

文宣道德之源大

自然經也余先師有一

撫高上遙唱諸天懽樂則

真則衆妙咸會內觀形影則

道德則萬神震伏禍滅九

寧家熟能知乎无為之文亞

榮撓之不濁澄之不清自然

告无窮常者也故知常日明

之由人斯文尊妙可不懃精乎粗述一篇

有道者實之焉

河上公莫知其姓名也漢孝文皇帝時結草

為菴于河之濱常讀老子道德經文帝好老

子之言詔命諸王公大臣州牧二千石朝直衆

官皆令誦之有所不解數句時天下莫能通

者聞侍郎說河上公誦老子乃遣詔使貴所

不才義問之公曰道尊德貴非可遙問也

文帝即駕從詣之帝曰普天之下莫非王土

率土之賓莫非王臣域中有四大王居其一

也子雖有道猶朕民也不能自屈何乃高乎

朕足使人富貴貧賤須臾河上公即擁掌坐

雖舟舟在虛空之中如雲之外去地百餘丈

而心於玄虛良久俛而告帝曰余上不至天

中不累人下不居地何氏之有降下焉能令

余富貴貧賤乎帝乃悟知是神人方下輦稽

首礼謝曰朕以不德忝統先業才不任大憂
於不堪雖治世事而心敬道德直以闇昧多
所不才惟蒙道君私慈有以教之則幽夕觀太
陽之耀光河上公即授素書老子道德經
章句二篇謂帝曰熟研此則所疑自解余注
是經以來千七百餘年凡傳三人連子四矣
勿示非其人文帝跪受經言畢失公所在論
者以為文帝好老子大道世人不能盡通其
議而精思遐感仰徹太上道君遣神人特下
教之便去耳恐文帝心未純信故示神變以
悟帝意欲成其道真時人目号曰河上公焉
太極左仙公葛玄曰老子以上皇元年正月

十二日丙午太歲丁卯下為周師到无極元
年太歲癸丑五月壬午去周西度開關令尹
喜宿命合道豫占見紫雲西邁知有道人當
度仍齋潔燒香想見道真以其年十二月廿
五日老子度關也喜見老子迎設礼稱弟子
老子曰汝應為此宛利天下棄賢世傳弘大
道子神仙者矣以廿八日月中授太上道德經
義洞虛无大无不包細无不入聖王不能盡
通其義昔漢孝文皇帝好大道縱容无為
之堂嘆凡聖無能解此玄奧精思遠感上徹
太上道遣真人下授文帝帝微之首道人即
信稽傳授至人比字校定外儒所雜傳多訛

今當叅授此正之使與玄洞相應十方諸天人神仙天地鬼神所宗奉文同無一異矣吾已於諸天神仙大王授定受傳天人至士賢儒當宗懋正真私道大度何可不精得聖人本文者乎吾所以有言此欲正玄妙於天地人耳今說是至矣明矣夫學仙者必能私幽蹟也

道士鄧思遠曰余家師葛仙公受太極真人徐來勒道德經上下品仙公曩者所好加親見真人教以口訣云此文道之祖宗也誦誦萬遍夷心注玄者皆必升仙尤尊是書日夕朝拜朝拜願念具如靈寶法矣學仙君子宜私之焉仙公常秘此言無應仙之相好者不傳也

太極隱訣

先燒香整服礼十拜心存玄中大法師老子

河上真人尹先生曰開經蘊呪曰

玄玄至道宗上德體洪元天真雖遠妙近緣
 汲九君宮室皆七寶窓牖自有分清淨常致
 真駕景乘紫雲日月左右照升仙長年金七
 祖上生天世為道德門畢叩齒卅六通咽呪
 卅六過先心存左青龍右白虎前朱雀後玄
 武足下八卦神龜卅六師子伏在前頭巾七
 星五藏生五炁羅文霞身上三一侍經各

從千乘萬騎天地各有萬八千玉童玉女衛之
口設讀經五百言輒叩齒三咽液三也